

SAOPŠTENJE ZA MEDIJE

U sklopu dm kampanje {ZAJEDNO} za bolje sutra 2023.

Uspjeshno realizovan projekt „Posložena“

U okviru društveno odgovorne kampanje {ZAJEDNO} za bolje sutra 2023. – podrška projektima za unapređenje i očuvanje mentalnog i fizičkog zdravlja žena, kompanija dm je podržala realizaciju 14 projekata s područja cijele BiH, s više od 60.000 KM.

Podržani su projekti s aktivnostima poput: stručnih predavanja i radionica na razne teme, savjetovanja, izrada edukativnih priručnika, učenja taekwondo i joga tehnika i sl.

Jedan od podržanih je i projekt „Posložena“ u organizaciji Udruge Žena poduzetnica Grada Ljubuškog. U okviru projekta, koji je za cilj imao jačati svijest o važnosti mentalnog zdravlja, održano je šest predavanja upravo na tu temu.

„Na naše veliko zadovoljstvo, imale smo priliku biti dio projekta koji za cilj ima podići svjesnost o jačanju mentalnog zdravlja žena. Tijekom projekta „Posložena“ održano je šest predavanja, a na svakom predavanju bilo u prosjeku oko 150 žena. Ova nam brojka govori kako su žene spremne raditi na sebi, preispitati svoja uvjerenja i raditi na odnosima u kojima i leži ključ našeg životnog zadovoljstva. Mi smo jako sretne što smo ih mogle pratiti na tom putovanju vodeći se time da želimo da i drugi čuju stvari koje su nama osobno pomogle u jačanju mentalnog zdravlja i izgradnji zdravih odnosa. Poučene životnim iskustvom da je najveća ljudska moć u pripadanju, želimo nastaviti širiti svoja znanja i iskustva kako bismo dale doprinos u stvaranju zdravih životnih sredina“, kazale su Antonija Bubalo i Danijela Alilović, predavači u sklopu projekta „Posložena“.

Žensko zdravlje je jedna od tema kojom se kompanija dm aktivno bavi, te je uz kampanju {ZAJEDNO} za bolje sutra u okviru teme organizirana i prva stručna konferencija dm ženski razgovori, u junu prošle godine. Projekti unapređenja i očuvanja fizičkog i mentalnog ženskog zdravlja podržani su i na 6. dm ženskoj utrci.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 17 godina dm se sa više od 1.100 zaposlenika i 91 prodavnicom u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2022/23. dm je u Bosni i Hercegovini ostvario promet od 344,1 miliona KM. Asortiman dm-a obuhvata više od 13.000 proizvoda etabliranih svjetskih i domaćih proizvođača, među kojima je 30 dm robnih marki kao što su Balea, alverde, Mivolis, trend !t up, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno deset puta, od toga osam puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imeriji/saopstenja-za-medije>, a arhiva fotografija na <https://www.dm-drogeriemarkt.ba/pr-imeriji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba